

## **Theologiæ Sacramentalis Scholasticæ Et Moralis Pars ...**

Ad Mentem Doctoris Subtilis Ioannis Duns Scoti D. Augustino conformen

In qua tractatur de Sacrementis in Genere, & duobus primis in specie

**Bosco, Jean a**

**Lovanii, 1665**

Concl. IX. Omnia Sacraenta validè ministrantur sub conditione de  
præsenti vel prætorito: solùm Matrimonium recipit conditionem de futuro,  
id est, suspensivam valoris.

---

[urn:nbn:de:hbz:466:1-73340](#)

132. Et hactenus quidem de secunda divisione intentionis. Sequitur tertia in intentionem absolutam & conditionatam. Notitiam terminorum suppono; Theologis enim scribo. Neque est Theologus, qui dubitet de sufficientia intentionis absolutae. Et cum triplex sit conditionata, de praesenti, praeterito & futuro, sati convenienter Doctores conditionatam de praesenti & praeterito ratam esse in omni Sacramento; pro solo autem Matrimonio, etiam de futuro. Sit itaque

### CONCLUSIO IX.

Omnia Sacraenta validè ministrantur sub conditione de praesenti vel praeterito: solum Matrimonium recipit conditionem de futuro, id est, suspensivam valoris.

133. Sacraenta debent ministrari absolute, hoc est, sine appositione aliquius conditionis extrinsecæ, id est, quæ de jure non inest, putat: *Si pater consentiat: Si es predestinatus: Si Christus mortuus est pro nobis &c.*) nisi subsit iusta causa. Quod luculenter probat universalis praxis Ecclesiæ, à qua non recedit saltem sine peccato veniali, subinderiam non absq[ue] peccato mortali, ut patet ex dicendis. Hoc prænotato

Prima pars conclusionis est communis, intellecta de conditione naturaliter cognoscibili. Ratio patet: quia talis intentio conditionalis transit in absolutam, juxta illud Instit. de Verb. oblig. §. 7. *Conditiones que ad præsens vel præteritum tempus referuntur, aut statim infirmant obligationem, aut omnino non differunt.* Veluti: *Si Titius consul fuit, vel Si Mævius vivit, dare spondes?* Nam si ea ita non sunt, nihil valet stipulatio: fin autem ita se habent, statim valet. Que enim per rerum naturam sunt certa, non morantur obligationem, licet apud nos incerta sint. Ita jus civile, quo utitur Ecclesia, nisi sacris Canonibus contradicat, cap. 1. de Novi operis nuntiatione, ibi: *Qua verò sicut leges non dediantur sacros Canones imitari, ita & sacrorum statuta Canonum Principum constitutionibus adiuvantur.*

Quin immò jus Canonicum expressè decernit Baptismum conditionatum cap. 2. de Baptismo, dicens: *De quibus dubium est, an baptizati fuerint, baptizantur his verbis præmis: Si baptizatus es, non te baptizo; sed*

*si nondum baptizatus es, ego te baptizo &c.* De valore ergo hujus Baptismi non est ambigendum.

Dubitatur autem, an valeat Sacramentum sub conditione naturaliter inconnoscibili? v.g. baptizat aliquis sub conditione: *Si suscipiens est predestinatus.* Quæritur (inquit) an talis Baptismus sit validus ex hypothesi, quod suscipiens sit predestinatus? Afferit Suarez disp. 13. sect. 3. ante conclus. 4. se non invenire sufficientem rationem, quæ convincat ad dicendum, ex hac intentione in re ipsa non confici Sacramentum, si conditio posita in re ipsa existit, quamvis ignoretur. Censo tamen (inquit) in primis talen modum esse iniustissimum & gravissimum sacrilegium continere; utique propter incertitudinem & periculum nullitatis.

Addit, tale Sacramentum esse iterandum (saltem sub conditione) quia & simpliciter dubium est, an intentio sub tali conditione sit sufficiens, & saltem h[oc] & nunc in tali persona est incertum, an in re existat talis conditio. Cum tamen, licet fortasse contingat non esse predestinatum, nihilominus baptizari debeat. Quod verum existimat, etiam in casu, quo ex eventu futuro constare posset de existentia conditionis pro tempore Baptismi collati, puta si conditio fuerit: *Si Deus sciat te hoc anno vivendum.* Rationem assignat: quia non debet homo esse suspensus & dubius de suscep[re]to Sacramento.

Sed nefcio, quarè hic Auctor simpliciter dubiter de validitate istius Sacramenti, si conditio in re existat, cum nullam adferat rationem dubitandi præter incertitudinem & indecentiam, quæ ex illa oritur. Et licet propter illam indecentiam aliquibus videatur Christum, qui prudentissime instituit Sacraenta, non voluisse pro illo casu valere Sacramentum; equidem faciliter responderetur, multa nobis apparere imprudenter facta, que tamen in judicio Dei sunt prudentissima.

Quid enim imprudentius appetit humanae ratiocinationi, quam Deum hominem in excelsum montem, vel in sanctam civitatem à diabolo afflumi? *Mens refugit credere* (verba sunt S. Gregorij Papæ homil. 16. in Evangelia) *humane hoc audire aures expavescant.* Qui tamen non esse incredibilis ista cognoscimus, si in illo & alia facta pensamus. Certe iniquorum omnium caput diabolus est, & huius capitis membra sunt omnes iniqui. An non diaboli membrum fuit Pilatus? an non diaboli membra Iudei persequentes, & milites crucifigentes Christum fuerunt? Quid ergo mirum

134. An valeat Sacramentum sub conditione naturaliter inconnoscibili? Sententia Suarez,

135. Non iecet dubitare Suarez de validitate Sacramenti, si conditio in re existat,

S. Greg.

176 *Disp. I. De Sacramentis in genere.*

*mirum, si se ab illo permisit in montem duci, qui se pertulit etiam à membris illius crucifigi?*

137.

Hæc & similia apparent humano intellectui irrationalia, quæ tamen in consistorio SS. Trinitatis, prudentissimè sunt disposita. Et quis dubitet multa alia magis indecentia ex malitia hominum fieri in administratione & confectione Sacramentorum, quæ propter ea non reddunt Sacra menta irrita? Christus igitur prudenter instituit, ut generaliter Sacramentum valeat sub conditione de præsenti & præterito, quamvis per accidens ex malitia hominum inde sequatur aliquid inconveniens. Hinc omnes docent valere Sacramentum, quod confertur sub conditione de præsenti, quam minister suā culpā ignorat in re existere, licet mortaliter peccet sic administrando.

138.

*Suarez.*

Et sanè (ut bene adveritur Suarez supra) sœpe quis baptizatur sub hac conditione: *Si non es baptizatus, quamvis illa conditio sciri non possit.*

Dices: Magna est differentia inter hanc conditionem, & illam: *Si es prædestinatus, si tum quia est de re humana, quæ per se lo non es baptizatus, &c.: si es prædestinatus, nisi quo ad lictum.* Dicendum: *Si tum quia est de re humana, quæ per se loquendo & sciri potest, & per accidens est occulta; tum maximè quia licet propter talen conditionem incertum sit, an præsens Baptismus sit validus; tamen simpliciter est certum, hunc hominem manere baptizatum vel præsenti Baptismo, vel præterito: secùs quando conditio naturaliter est incognoscibilis; tunc siquidem & ipse Baptismus, qui sub tali conditione conferatur, incertus est; & simpliciter dubium est, an talis homo sit baptizatus. Cùm ergo illa conditio sit omnino aliena ab humana cognitione, præter humanum operandi modum est aliquid sub ea velle efficere.*

Respondeo: Illa differentia solùm probat ministerium illicitum, non autem invalidum; etenim secundum jus Canonicum cap. Ad Apostolicam 15. de Regul. Règul. fieri prohibentur, quæ si facta fuerint, obtinent roboris firmitatem. Accedit, quod Deus, cuius est habere ratum vel irrum Sacramentum, optimè noverit adimplitionem vel non adimplitionem conditionis.

Dices: Ergo Sacerdos validè applicabit fructum Sacrificij pro illo, quem Deus novit primò peccatum. Respondeo concedendo totum, si pro necessitate aliqua jam nunc existente, v. g. pro aliquo jam nunc defuncto.

Sed contra: Congregatio Cardinalium Concil. Trident. interpretum, & ex ejusdem congregationis sententia Paulus V. hujusmodi consuetudinem Sacrificij applicandi tanquam periculosam, fidelium scan-

dalis & offenditibus obnoxiam, atque à vetusto Ecclesiæ more nimium abhorrentem exploxit ac improbat, mandavitque Cardinali de Guevara Archiepiscopo Hispanensi, talem usum abolere & prohibere Excommunicationis atque alijs penit.

Respondeo Primò: Multa fieri prohibentur, quæ si facta fuerint, obtinent roboris firmitatem. Hæc autem verba prohibitionem tantum sonant, non etiam irrationem aut invaliditatem, de qua hæc solùm disputamus.

Respondeo Secundò, declarationem non expresse loqui in nostro casu quando offertur Sacrificium pro necessitate præsente, idque sub conditione præscientie Dei, ut pater ex verbis quæ generalia quidem sunt, distinguenda tamen, ubi ratio sufficiens distinctionis occurrit. Merito autem generaliter Pontifex illam consuetudinem prohibuit tanquam periculosam &c. quia sepius occurrit potest, ut necessitas illa, pro qua postea prima Missa est petenda, non sit præsens, & per consequens non pro fit illi, qui postmodum offert stipendium.

Præterea fieri potest, ut subiectum prout non sit capax fructus Sacrificij, utpote in peccato mortali, vel quia non indiget satisfactione; aut certè si indiger pro aliquibus venialibus, nondum tamen de illis dolebat, & per consequens non poterat liberari à reatu poena per Sacrificium; non enim poena remittitur ante culpm.

Adde, ex parte offerentis stipendium minuit fructum; nam petendo missam & offerendo stipendium, concurrimus suo modo, & offerimus illud Sacrificium cum Sacerdoti, cui oblationi correspondet partialis fructus, ut videbimus agentes de fructu Sacrificij. Propter hæc itaque fatentur omnes, jure meritorio illam consuetudinem esse prohibitam a Pontifice, & in praxi à Prælatis inferioribus debere prohiberi. Auctores pro una & altera parte vide apud Dianam Tract. de Celeb. Miss. resol. 15.

Hucusque de prima parte conclusionis. Discutiamus secundam, quæ duplum habet exponentem. Prima sit: Matrimonium recipit conditionem suspensivam valoris. Secunda: nullum aliud Sacramentum illam admittit. Utraque est certa & recepta in praxi; non desuit tamen modernus aliquis Thologus (inquit Lugo de Peñitentia disp. 13. n. 108.) qui speculative probabiliter dixerit, valere absolute Sacramentalem sub conditione de futuro, v. g. *Si cras restitueris, quā adveniente, incipiat absolute habere effectum.*

Quod

*Cof. Ad Apo-  
stolicam de  
Regul.*

139.  
*Objecio.*

*Responsio.*

*Instantia.*

142.  
Matrimonio  
nō recipi  
potest  
conditionem  
suspensivam  
valoris, &  
nullum aliud  
Sacramen-  
tum illam  
admitit.  
Lugo.

Condicio  
de futuro  
non suspen-  
dens valo-  
rem, potius  
est de pra-  
fenti.  
In his de-  
partibus obli-  
gitatio.

Quod addo: quia conditio de futuro, quae non suspendit valorem, v. g. Si Deus videat te crastina die restitutum que iniuste rapauisti, non ita est de futuro, quam de praesenti. Quin imo sola conditio suspensiva propriè in jure vocatur conditio, Institut. de verbis oblig. §. 5. Sub conditione stipulatio sit, cum in aliquem casum differtur obligatio: si si aliquid factum fuerit vel non fuerit, committitur stipulatio.

Quid si ergo Confessarius dicat: Absolvo te pro nunc, si etas restitus? Sanè illicita est absolutio, quia contra consuetum modum: interim appetit validam, quia impræsentiarum verum est (quamvis ignoratum) id, ad quod sententia restringitur: siquidem sufficit impleri conditionem pro illa temporis differentia, pro qua minister intendit.

Nec vero repugnat valorem praesentem pendere à futuro, prout patet in emptione inita cum pacto legis commissoriæ facto verbis directis, sic ut si conditio de futuro postea non impletatur, v. g. si intra certum tempus premium non solvatur, contractus sit nullus, atque adeò res ab initio inempta. Quod ipsum admittendum est mediately contingere in collatione Sacramenti sub hac conditione: si Deus futurum noverit; quandoquidem prævisio divina, eti præsens, præsupponit objecti futuritionem.

143. Sed (ut progrediamur) quæ putas est ratio primæ exponentis? Existimo, quia cæteri contractus recipiunt conditionem suspensivam, nisi alter legibus instituti sint: nullibi autem jus generaliter prohibet apponere conditionem contractui matrimoniali; quin imo pluribus locis significat aliquando id licere, ut suo loco videbimus. Porro quæ contraquæs, eadem est ratio Sacramenti; nam Christus non immutavit naturam contractus, sed dumtaxat eam ad dignitatem Sacramenti elevavit.

Hinc in multis non valet argumentum à Sacramento Matrimonij ad Baptismum, Confirmationem &c. ut nec in praesenti materia. Ratio est: quia Christus huc Sacramenta non reperit quoad suum materialem, sed prout voluit, instituit: instituit autem ut valerent tunc, quando poneretur materia & forma, ut liquido constat ex consensu omnium DD. qui hactenus de Sacramentis scriplerunt. Insuper instituit pro forma verba propriè dicta, cum tamen in Matrimonio sufficiant æquivalentia.

144. Hæc ergo est probatio secunda expontentis, de qua sic discurro: Sacramenta

tunc valent & conferunt effectum, quando ponitur materia & forma; atqui in Baptismo & ceteris omnibus, præter Matrimonium, vel ponitur materia & forma ante conditionem impletam, vel nunquam ponitur; ergo vel tunc valent, vel nunquam. Probaatur minor, quæ sola habet difficultatem: quia materia, v. g. Baptismi, est realis ablutionis forma, verba realia, Ego te baptizo &c. atque quando impletur conditio suspensiva, neque ablutionis realis, neque verba realia amplius existunt; ergo &c.

Dices: Existunt virtualiter in relatione 145. ministri ad tempus futurum, seu potius in Objectio conditione futura; quemadmodum existit consensus matrimonialis, qui est forma Sacramenti Matrimonij.

Respondeo: Ad alia Sacra menta non sufficit virtualis existentia materiae & formæ, seu materia & formæ virtualis, sed requiritur materia & forma actualis seu realis. Ratio voluntas Christi, quæ ostendit per continuum usum totius Ecclesiæ, in qua nunquam legitur aliquod Sacramentum, præter Matrimonium, collatum fuisse sub conditione suspensiva; sed semper Ecclesia judicavit, & adhuc judicat non esse in potestate ministri suspendere effectum Sacramenti positâ materia, formâ & debitâ intentione: alioquin dicamus Sacerdotem posse consecrare, aut Confessarium absolvere pro crastina die.

Contra: Minister non intendit nunc 146. absolutè ministrare Sacramentum. Esto; ergo efficiet positâ conditione, cum jam intentio ejus conditionata transferit in absolutam, nego consequentiam; sola quippe intentio non est causa Sacramenti, sed insuper legitima materia & forma; v. g. in Baptismo realis ablutionis, & realia verba: Ego te baptizo &c.

Inflas: Neque minister Matrimonij potest suspendere effectum Sacramenti positâ materia, formâ & legitimâ intentione. Respondeo concedendo totum: sed disparitas est, quod forma Sacramenti Matrimonij (quæ est consensus absolutus quocumque signo externo expressus, actualis aut virtualis) tunc solum ponitur, quando conditio adimplitur; secundus formæ aliorum Sacramentorum.

Unde in rigore loquendo nequidem Sacramentum Matrimonij ministratur sub conditione, sed potius contractus matrimonialis incipit; perficitur autem tam in ratione contractus, quam Sacramenti, impletâ conditione; hoc est, impletâ conditione, vel quando jam impletur,

In rigore nequidem Sacramentum Matrimonij ministrator sub conditione.

verum est dicere : Nunc est *Sacramentum Matrimonij*, & antea non fuit. Quare sufficit ne contrahentes peccent, quod sint in statu gratiae, quando adimplerunt conditio. Alias difficultates differo in proprium locum.

148.

Non valet argumentum à sententijs judiciali extra Sacramentum ad sententiam Sacramentalem, quam de novo Christus instituit, & essentialiter voluit consistere in verbali absolutione. Sicut ergo non sequitur :

*Sententia extra Sacramentum potest ferri scripto vel in absentem, igitur & in Sacramento ; ita etiam ex valore sententia conditionalis de futuro extra Sacramentum, malè infertur valor hujusmodi dissentientia in Sacramento ; nisi idem veniam dicere de Sacramento Ordinis, in quo conferunt potestas ; quia & aliae collationes potestatum sic fieri possunt, quod est inauditum. Itaque Christus non instituit in nova Lege sententiam utrumque, sed taliter prolatam, per talen ritum & formalum verborum, non aequivalentium, sed formalium & realium. Plura in materia de Pœnitentia.*

Ad alia festino, & quæro ultimè, an intentione debet ferri super materiam determinatam ? Pro responsione instituitur

## CONCLUSIO X.

**Intentio faciendi quod facit Ecclesia, necessariò debet esse circa materiam determinatam.**

149.

**E**st communis & certa. Colligo ex verbis formarum : Ego te baptizo, absolvō &c. Hoc est corpus &c. Confirmo te. Indulgeat tibi Deus : Accipe potestatum : Accipio te in meum, vel meam. Quæ omnia significant determinationem materiam ex qua aut circa quam Sacramenti. Et quid mirum, quandoquidem intentione ministri operativa sit & efficax, actiones autem sint circa singularia ?

Determinationi materiae qualiter non obsteretur error privatus.

Porro huic determinationi non obstat error privatus, quo quis existimat se solum habere unam hostiam consecrandam, cum sint plures ; aut quo putat se baptizare, confirmare, absolvire, inungere, ordinare Petrum, & est Paulus ; si modò haberetur intentionem generalem consecrandi omnes hostias ante se positas, simi-

liter baptizandi, confirmandi &c, personam præsentem, quæcumque illa sit, aut quomodocumque vocetur. Et hæc censetur ordinaria cujuslibet intentione in his Sacramentis, quando non constat de contra-ria, ne Sacramentum absque ratione expatriatur nullitati.

Dico : In his Sacramentis ; quia in Matrimonio regulariter minister alligat suam intentionem ad hanc particularem personam, non autem ad quilibet præsentem. Do disparitatem : quia multum interest ministro Matrimonij, cum qua persona contrahat ; parum autem vel nihil minister aliorum Sacramentorum, quam personam confirmet, baptizet &c.

Ceterum, si contrahens Matrimonium dicat : Accipio in meam coniugem personam hic præsentem quæcumque tandem sit, error personæ non invalidabit contractum ; quippe speculativus solum est, & non practicus, id est, contractus non dirigitur illo errore : & è converso, si consecrans v. g. intendat hanc hostiam quam posuit, & nullam aliam, error circa materiam reddet consecrationem irritam, ut pote qua illo errore dirigitur ; idem est de Baptismo, Confirmatione &c. si minister adstringat suam intentionem ad certam personam.

Petes, an ergo sit invalida Ordinatio eorum, qui accedunt cum legitimo aliquo impedimentoo, puta irregulares, aut carentes patrimonio & beneficio, vel legitimis litteris dimissoriis &c? Solet namque in aliquibus locis Officialis Episcopi ante Ordinum collationem publice protestari, Episcopum non habere intentionem eos ordinandi.

Respondeo affirmativè, si reverè Episcopus habeat talam intentionem. Putant tamen aliqui, protestationem illam solum fieri ad terrendum ; Episcopum autem habere absolute animum ordinandi eum qui accedit, quicunque ille sit ; tum quia in Pontificali non invenitur talis protestatio, sed formula dumtaxat, quæ ordinandi moneantur ab Episcopo, vel ex parte ejus, nè accedant cum aliquo impedimentoo ; tum etiam propter inconvenientia, quæ nata sunt sequi ex tam generali, restricta & conditionata voluntate, scilicet siquidem contingere potest, ut quis habeat impedimentum & nesciat, vel non recordetur : item potest oriri dubium, an reverè haberetur impedimentum. Non debet autem res adeo gravis exponi tam faciliter pericolo nullitatis & reordinationis. Quidquid de hoc sit ; Hugo disp. 8. sect. 7. in fine consulto eo modo Ordinato